



CHANSON NEVEZ



VAR SUJET DAOU ZEN YAOUANG

PERE EN EM GARIE GANT FIDELITE.

Var un ton nevez.

A Bailard, Horaç, Tibul, Catul, Ovid, Orphe,
C'houi, modelou sincer deus ar güir amitié,
Laqit oll em guenou ho preposiou charmant,
Inspirit em speret va c'halon languissant.

Me ya da zisléria va buez maleürus :
Tostait d'e c'hlévét, tud yaouanc curius ;
Deut oll da bartaji va glac'har, va c'hlémou,
Ha formit ganén-mé eur feuteun a zaélou.

En escopti Treguer e voa eur plac'h charmant,
Hac e d'oa ravisset calon meur a zen yaouanc :
Demeus an oll-merc'hed a meus darempredet,
Hi eo, dre breferañ dreist oll, a meus caret.

Mes he zellou gen douç, hac he c'homzou deread,
He furnez, he douçder, hac e bolontez vad,
A ellumas em c'halon flammou an amourousted ;
Bep instant va speret voa ganti occupet.

Var fovennou yaouanc gant beg eur ganivet,
Tro-var-dro hon hano lies a meus scifet.
C'houi, plantennou eürus, a gresco nos ha de ;
Ni garfe, eveldoc'h, e cresqfe hon amitié.

Ne meus mui a blijadur nemet arru e vez

An deiz d'allout güelet objet va c'harantez :
 Eanàn ma residanç dezir va fantazi,
 A guement z'or bed-mâ ne garàn nemet-hi.

Mes, allas! torret eo chaden ar blijadur;
 Tròet va fleneden en flemmou dinatur;
 Brêmàn a dra certain vezo ret e c'huittât!
 Mancout ra va c'halon, sclerder d'am daoulagad.

Done oll-buissant! roit din asistanç,
 Vit m'ellin d'am mestrez mont d'annouç ar setanç;
 Me a ya c'hoas ur vech bete ty va mestrez,
 Gant eur galon carguet, leun a dristidiguez.

Cetu me vis-à-vis d'am güir muia-carez,
 Princes an amitie, model an oll merc'het,
 Va oll gontantamant, oll joa deus va speret,
 Hi a garg va c'halon bep heur ha bep momet.

Neus netra en dro din na repret d'am memor;
 An amitie fidel a zo dreist peb seurt tenzor;
 Mes brêmâ e redoubl oll glac'har va speret :
 N'ellàn qet comz outi, qement e zòn mantret.

Abondanç va daëlou a deu d'am daoulagad;
 Carguet eo va c'halon demeus a huanad.
 Petra zo, va mignon, ma zoc'h qen desolet?
 Deus hoc'h affliction contit din ar sujet.

Qeus meus a greiz calon o velet ho tourmant;
 Me garfe ve'm pouvoar rêi d'éc'h-soulajamant.
 D'am annui, d'am glac'har c'houi a zo calz qiriec;
 Abars varc'hoas vintin me a vo partiet.

Possubl ve, va Done, e ve güir qementse,
 E vec'h-u deut amàn vit qemer ho cònje!
 N'en deo nemet re vouir; partial a vo ret:
 Erru eo va c'herent da bronouç va arrêt.

Arça, va zervicher, e zit-ta d'am c'huittât?
 Penos a rin brêmàn?... Houmâ zo calonad!

Va oll santimanchou zo ganéc'h gonezet :
 Me a vo maleurus, ma vemp dispartiet.

Arrêtit ho taélou, ... n'en em dezolit qet;
 Bars ur mis, d'ar pella, me deui c'hoas d'ho quélet.
 Qemerit confianç ha chommit en ho peoc'h;
 C'houi eo va oll esperanç : ne garan nemedoc'h.

Allas! va zervicher, n'en deo qet hep rêson
 E velit ho mestrez e qer bras affliction :
 P'o po chenchet a vrô, c'houi chencho a lezen,
 Eur vestrez all o po, c'houi'm dilezo a grenn.

Ha pa ve laqet sur entrezomp-ni hon daou
 Qement demus a hent vel zo ac'han d'an êvou,
 Credit en assuranç, bigen n'ho tilezàn :
 Bigen mestrez n'am bo met an hini brêmân.

Birvigen n'ancouezàn ar pez a zo touët :
 C'houi c'heus sonch, va mestrez, a voueliou Nedelec;
 Em boa aon em dilejac'h en deiz voa o tonet
 An hini na zezire nemet bea ho pried.

Ha neuze, va mestrez, evit va c'honsoli,
 Gant eun êr qer contant e teujoc'h da bropos dia
 Monet d'an ilis vras, eno, dirac Doue,
 Da brononç ar sermant eus ar fidelite.

Etre peder ha pemp heur demeus an abardae,
 En em rentjomp en illis an eil gant eguile.
 Ha pa voemp-ni daoulinet vis-à-vis d'an auter,
 E leqjot ho torn coant en hini ho servicher.

Gant eur güir galon sincer, en faç d'ar Sacramant,
 E teujomp eno hon daou da brononç ar sermant.
 D'en em garout fidel bete fin hor bue,
 Bigen nemet ar maro sur n'hon dispartije.

Ha p'am be da veva qenlies a vlaves
 Evel zo a zeillen ebar en en eur forest,
 Birvigen n'ancouàn va doucic Jan-Yvon,

Plijadur va speret, rouanes va c'halon.

Eus a greiz va ene me offr déc'h, va mestrez,
 Sacrific va speret ha va goad assambles :
 Mar trabissân biqen va oll bromessaou,
 Doue d'am punisso a bep seurt maleuriou.

Qemerit, va mestrez, vit merq a bromesse,
 Diou galon peur-treujet gant ar memes cleze;
 Var ar memes imach e cavot dessinet
 Diou durzunel yaouanc en em garrie parfet.

Ho comzou, va mignon, a zoulach va c'halon;
 Ne allân qet credi em lesfac'h en abandon :
 Assurit din-me c'hoas, var ho qer a enor,
 Biqen na drabissot eur galon déc'h digor.

Finissomp, va mignon, tost eo d'an anter-nos;
 Erru eo an amzer, poent é deomp repos.
 Adieu, va mestrez qer, qen a vo ar c'hentân
 Ha déc'h, va servicher, mes retornit buan.

Aben pempzec de goude é retornis d'e güelet,
 Gant calz demeus a joa, ne zanten qet qerzet;
 N'en qet buan avoalc'h, herves ma em boa c'hoant,
 Me zante e lampe va c'halon triumfant.

Pa voan erru er plaç, en dezir va bolonte,
 E qichen va mestrez evit clévet he doare,
 P'e c'honsideris ervat, e chommis estonet,
 O tonet da gompren penos e voa chenchet.

Evit parlant dezi, hi na responte qet :
 Eur flem sco em c'halon p'e güelis qer mantret,
 An douar arouzet gant daçlou he daoulagad,
 A voa un test assuret demeus he c'halonad.

Abl m'am c'harit-u c'hoas gant güir fidelite,
 Discléryit entrezomp brémân ar virione;
 Larit din ar sujet eus ho melanconi :
 Güell eo ganén mervel eguet rêi déc'h anvî.

Allas! va servicher, ni a vo separet :
 Da zemezi d'un all me a zo contraignet ;
 Henvoas zo lavaret e vijen goulennet ;
 Ze a zo qiriec din ma zòn qer glac'haret.

C'houi, Mari, va mestrez, am lèz en abandon,
 Goude ho peza laqet rouanez em c'halon!
 Honnes eo ar recompañ a meus-me meritet,
 Goude beza ho caret re dreist an oll merc'het.

Me ho ped, va mignou, na reprochit qet dia
 E ve va dessin bremâ dont doc'h abandoni.
 Possubl ve'm accusfac'h a infidelite!
 Ne meus discuezet dec'h nemet re garante.

Gout ouzoc'h coulz ha me pegument ho caràn ;
 C'houi zo caus d'am zourmant pini a anduràn :
 Va oll garante voa gonezet oll ganec'h ;
 Va brassa plijadur voa oboissa dec'h.

Bepret on n'em rentet gant gair fidelite
 Bars en andret fixet herves ho polonte.
 M'am bije evel doc'h nebeutoc'h carante,
 M'em bije ho quittet hep nep difficulte.

Me garje na vijemp biqen en em velet,
 Pa zeo ret d'emp hon daou bea dispartiet :
 Ma vije êru ar poent da veza demezet,
 Credit penaus biqen d'am zad n'am bije pleguet.

Goude ar blijadur e teu an desolation :
 N'ouffac'h mui eguedon caout seurt affliction
 Eguet d'am separi eus dezir va c'halon,
 C'houi eo va zervicher, va oll gonsolation.

Ebars em flanneden na pebes chenchamant!
 Homàn zo evidon eur voalen a dourmant!
 Va amzer dremenet am chagrin, va mestrez,
 Pa deu dia da gompren bars em flijadurez.

Sonch oc'h eus a vis ebrel, ar zul goude creiz de,

E rojot dîn-ar gach demeus hoc'h amitie :
 Nan, biscoas va spêret ne voa bet qer joaüs ;
 Hanval voa hor boneur d'ar sperejou eürus.

Mes brêmâ ê mantret gant an oll dourmanchou.
 Me grede parfet mad e vijemp priejou :
 Un esperanç qen douç a rejouisse va c'halon ;
 Me zôuje na vije biqen separation.

Mes achu ê va boneur hac achu evit biqen ;
 N'en em dissipo qet evel ma ra'r glizen,
 A zisparis en ær, pa deu an eol da zevel,
 Pe vel un dornad pell güintet gant an avel.

Petra a servich dîn bea laqet er bed-màn ?
 Bea da souffr evidoc'h, ô va mestrez, brêmàn ?
 Qen hir ha va buez e pado va glac'har.
 Me garfe bea brêmàn e calon an douar.

Adieu a laràn déc'h qent eguet partia ;
 Me a barlant ouzoc'h vit ar vech divea :
 Biqen bars er vrô-màn n'ho quèlàn, va mestrez :
 Bet eürussoc'h eguedòn.... Adieu evit james.

M'ho ped, va zervicher, ouzîn na fachit qet :
 Pa golfen va bue, me n'oc'h ancounain qet.
 Birviquen n'o quèlîn hep monet d'ho petec ;
 Gant calz a gonfianç deut bepret d'am güelet.

Bet persuadet mad ho po consolation ;
 C'houi ê a meus choaset vit pried d'am c'halon.
 Credit en assuranç biqen n'ho tilezàn ;
 James mestrez n'am bo met an hini breman.

Ar silanç, ar glac'har ras fin d'hor preposiou ;
 Hor mouez a voa mouguet gant an huanadou ;
 Demeus va daoulagad e tirede daelou
 Vel ar voaziou o tiruill demeus ar meneziau.

N'ouffac'h biqen sônjal qer bras desolation !
 Me sônje voa plantet eur c'hleze em c'halon ;

Carguet a zizesper, ne c'houlen nemet ar c'hraç
Ar maro ar pronta, an termen va disgraç.

Me voa bet pemzec dez, ia, ha pemzec nos
Bep ma ellis biscoas qemer en tout repos :
Pa vijen em goele en dessin da gousquet,
Gant ar spont hac ar form e vijen difunet.

Bepret ar memes uvre a deue incontinant
Da represanti din an objet eus va zourmant
En etat m'e güelis, pa bartijomp hon daou,
Ar flem, an disesper bars en hor c'halonou.

Lies e receven deus e c'hélou goude,
Dre voyen lizerou carguet a garante,
Pere am c'honsole epad va hir absanç,
O tout da jouissa eus a joa an esperanç.

Cetu dijà nao mis na meus güelet va mestres :
Arru eo ganén lizer digant e c'honsortes.
O pebeus qélou trist zo ebars annoncet!
A dal al lignen qenta e meus-én remerqet.

O planeden barbar, leun eus a velconi,
Ne scuisit-u qet c'hoas ous va fersecuti!
Pet güech e varvin-me qen mervel en effet?
E prouvi ho coler, ô petra meus-me grêt?

Den ingrat ha perfid, caled ha dinatur,
Maro eo da vestres bars en displijadur!
N'ellis pelloc'h poursu ar c'hélou desolant,
Coll a ris ar güelet, an nerz, ar santimant.

Ne meus mui a c'hallout nemet evit goüela;
Echu é va oll joayou, allas! var ar bed-mâ :
Ne meus evit partach da chom var an douar
Nemet hirvoud, tourmant, melconi ha glac'har.

O Roue an êvou! Mestr an Æles eürus;
N'oc'h eus qet va c'hrouet vit bea maleürus.
Disqennit bete din sell lagad a drue,

Pe laqit prontamant eun termen d'am bue.

Ar spaç a drizec mis oun bet ous e henti ;
 Ne voan em plijadur nemet pa vijen ganti :
 Hï a voa an objet eus va ambition ;
 Qen ne ellân cavet nemet affliction.

C'hoas e virân em pres he lizer divea
 A. scrïfas-hi dïn-me qent-qüittât ar bed-mâ ;
 Ha pa ven va-unan , lies en digorân :
 Pa gommançân d'e lenn , gant daelou er glebiân.

Gouelomp oll , tud yaouanc , gouelomp oll assambles :
 Biscoas plac'h ne zeus bet fideloc'h eguet onnes ;
 Birvijen ne sortio certain eus va speret :
 Bete fin va bue me e c'haro bepret.

Canit-u , rossignol , gant ho mouez triomfant ;
 Disquezit d'ar c'hoajou hano va mestrez coant ;
 D'ar mintin , pa biguit etrezec an èavou ,
 Vigilant ha fidel , repetit e hano.

Trist e qichen e bez e lacân va c'harante ;
 Ennân e repos brêmân objet va amitie.
 Doue evit recompaç eus e c'harante fidel ,
 En deus accordet dêi ar joayou eternal.

Ha pa deuyo an ancou gant e faç horrerus
 Da laqat un termen d'am bue maleürus ,
 Deus ar memes moment ma vo va goad o repos ,
 Me jouisso ganti euz joa ar Barados.

FIN.

E Montroulez , et ty LÉDAN , ru Pont-an-Itron-Varia.